



სალიტერატურო და სამეცნიერო ნახატებიანი გაზეთი გამოდის ყოველ კვირა დღეს

№ 34

ა ბ ვ ი ს ტ ო 11 1896 წ.

№ 34

**შინაარსი:** დღა-ენა ნ. ყიფიანისა. — სხვა-და-სხვა ამბავი. — საყურადღებო ამბები. — \* ლექსი განდევნილისა. — გიმნაზიის მოწაფე ქალთა მოგზაურობა ელიკოსი. — საისტორიო მასალა. — მუნის ფოთელი და ჭანდარი (ლერმონტოვიდან) კოწიასი. — გურულ ახალ გაზდების ამერიკაში მოგზაურობა ილ. ლ — ისა. — ენის წარმოდგომაზე (გერმანულიდან), პ. გ. ჭარბასი. — პასუხათურთ იმავე დალაქობანს“ არსენ ორმოცაძისა. — „კვალის“ ფოსტა. —

„კვალის“ ხელის მომწერლებს მოგაგონებთ, ვისაც ფული ან შემოუტანათ, დროზე შემოიტანონ.

დ ე დ ა — ე ნ ა .

„ახ, დემეტო ჩემო, სულ მიდი, მიდი“,  
„რის გველიწსება ჩვენ გაღვიბება“.

**მ**ს სიტყვები კარგა ხანია, რაც წარმოთქვა ჩვენ ბედზე მოტირალმა პოეტმა, მაგრამ დღესაც გადაწყვეტით ვერ ეუბასუხებთ მას ამ შეკითხვაზე: ვაგიღვიბეთ, თუ ჯერ ისევ გვიძინავს? მხოლოდთ საშუალო პასუხით შეიძლება ვანუგეშოთ პოეტი: თუ სულ არა, ნახევარზე მაინც. დიან ცუდი არ უნდა თქვას კაცმა, დიდი ნაბიჯი გადავღვიბთ ამ შემოკითხვას შემდეგ, რამდენათაც კი შეგვეძლო ოთხი-კუთხი შემოზღუდულ კედლებს შორის! მაგრამ რა? ჯერ კიდევ დიდ, ძლიერ დიდ მანძილზე ვართ ჩამორჩენილი დანარჩენ ერთა წინ-სვლასთან. ამ შემთხვევაში ჩვენ ვემზავსებთ ჯავლაგ ცხენს, რომელსაც ერთ ხანათ კარგი დრო ჰქონია და დღეს კი და-

ვარდნილი მისდევს უკან გაქვნივულ რაშს და ვერ მოწვევია.

მაგრამ ეს შედარება ცალმხრივია. რომ ჩვენც მივდევთ და ჯერ ვერ მოვწვევივართ, ეს ასეა, მაგრამ იმ იმედის მოსპობას კი ღმერთმა გვაშოროს, რა იმედიც უშეველათ უნდა მოესპოს ჯავლაგ ცხენს რაშის მოწვევაში! არა, ბატონებო, მე პესსიმისტების (გულგატეხილების) თანამგძნობი არ გახლავართ და ამ სანეარო იმედებსაც ვერ მოვისპობ. ან როგორ მოხერხდება იმედების მოსპობა? იმედი ხომ ერთთერთი ნუგეშია სნეულისა, ტანჯულისა, შეყვარებულისა, ღარიბისა, გადახვეწილ-სა, დატუსაღებულისა... უიმედოთ ხომ სიცოცხლე აღარა ღირს. მაშასადამე, იმედის დაკარგვასთან ერთათ სიცოცხლესც უნდა მოისპოს კაცმა — და ეს უკანასკნელი ხომ ღეთისა ზ ბუნების საწინააღმდეგოა! მაშ თუ სიცოცხლე გვინდა, იმედი ხომ მისი გზის მანათობელია. ეს თუ ასეა, ჩვენც უნდა ვიმედოვნებდეთ, რომ როდისმე დავეწვევით სხვა ერთა წინ-სვლას?

დიან, დავეწვევით, თუ მოვინდომებთ. დავეწვევით, თუ დღესი ერთ საათს მაინც მოვინდომებთ საერთო საქმეებზე ზრუნველობას. დავეწვევით, თუ უკუვაგ-

დებთ შეცდომით შემდგარ აზრს: „არა, გამოვარაო“. როგორ დასწევინ სხვები? როგორ განვითარებულან ჩვენზე ბევრათ ჩამორჩენილი ერნი საერთო წინ-მხედველობაში და რითი მიუ-წევით იქამდის? რითო? — მუყაითობით, შრომით, იმედით, თვით-არსებობის უსაზღვრო სიყვარულით. მერე, განა იმ სხვებს და ჩვენ ერთი ბრძოლა გვიჩრდება? — სულაც არა! იმათ სულ-მთლათ ერთმეოდათ ხელიდან ყოველი ნიშანი თვით-არსებობისა და მაინც თავისი დაიცვეს. — ჩვენ კი, თითონ ჩვენი ნებით ეუშვებთ ხელიდან იმას, რის უფლებაც გვაქვს და რასაც არავენ გვართმევს. რა საგანში უნდა მოეთხოვოს კაცს წინ-სვლა, თუ კი ის თვით დედა-ენაშიც კი ჩამორჩენილა? თუ კი იმან თავისი სახელის მოწერაც არ იცის? მაშინ ის კაცი ძალიან ცოტათია დაშორებული პირუტყვეზე. პირუტყვისაგან განირჩევა მხოლოდ ლაპარაკით. მაშ როგორ? თუ კაცმა წერა-კითხვა არ იცის, რას შეიტყობს ქვეყნიერობისას, როგორ გასაზღვრავს და შეადარებს თავის უკან ჩამორჩენას? როგორ მიჰბაძავს წინ-წასულ ერს?

ზოკს იქნება გაუკვირდეს და იკითხოს, ვილა არის ახლა ქართველ თავად-აზნაურობაში ისეთი, რომ წერა-კითხვა არ იცოდეს? ვინც ამას გაიკვირვებს, ძალიან შემცდარი იქნება. მოგეცეთ სიცოცხლე, რომ ჩვენ სოფლებში ძალიან ბევრნი არიან თავად-აზნაურთაგანი, რომლებმაც სწორეთ რომ თავისი გვარის მოწერაც არ იციან. განა ეს სამარცხენო არ არის ჩვენთვის? როგორ? სადაც სხვა ქვეყნებში უკანასკნელი მუშა, მეეტლეც კი არსებითი პურის შოვნის დროსაც გახვთ ხელიდან არ უშვებს და ტყაბულობს ქვეყნიერობის ამბავს, უერთებს თავის თავს, თავის ტენის მოძრაობას საერთო სიცოცხლის ბრუნვას, ერთი სიტყვით — ცოცხლობს, როგორც შეჭურვის ადამიანს, ჩვენში უპირველესი ელემენტი ჩვენი ერისა გონება დახშულნი სხედან თავის სოფლებში და ორი ნასწავლი კაცის ერთათ ლაპარაკისა ისე არა ესმით რა, როგორც მკელს მის თავზე წაკითხული სახარებ-სა. გლეხკაცობაზე ხომ რაღა ითქმის, ისინი, როგორც ყველაფერში — მთლათ უბედურნი არიან. აბა, მაშ თქვენ გეკითხებით, განა ამ მდგომარეობაში მყოფი ერა წინ წაიწევს? შეუძლებელია. ამაზე მეტყვიან, დიხაე ჩვენც გვესმის ეს უბედური მდგომარეობა, ჩვენც ვიცით, რომ კლასიკურ გიმნაზიებსა და უნივერსიტეტში სწავლის მიღება ფრად დიდი ბედნიერებაა, მაგრამ მაგას შეძლება უნდა და ჩვენ ყოველად გაღარიბებულნი ვართო! არა, ბატონებო, ჩვენი ერის იმ ნაწილისათვის, რომელნიცაა ზემოთა ვთქვით, კლასიკური გიმნაზიები და უნივერსიტეტი ჯერ საჭირო არ არის(?) თუ ბავში ცო-

ცვას არ დაიწყებს, პირდაპირ სიარულის დაწყება არ შეუძლია. იმათთვის არის საჭირო ჯერ ანბანის დაწყებინება. ანბანიდან გადასვლა იმის გონების შესაფერ პატარ-პატარა წიგნაკებზე, პატარა წიგნაკებიდან უფრო უკეთესს, უფრო მნიშვნელოვანი შინაარსის წიგნებზე. ამ გვართ ეხსნება კაცს გონება და ბოლოს მიხვდეს იქამდის, რომ რისაც უწინ არა ესმოდა, დღეს იმისთვისაც გასაგები შეიქნება. თორემ ჩვენი ერი ორ ერთმანეთის წინააღმდეგ მხარეს შეადგენს, დიდ კონტრასტს. ერთი მხარე (ამასთან მეტათ მცირედნი) თითქმის სულ უმაღლესს სწავლა-მიღებულნი, მეორე — ყოველად გონება დახშული, უანბანო. ეს დიდი უბედურებაა ერისათვის. რა სარგებლობის მოტანა შეუძლია იმ ერთ განათლებულ მხარეს, მეორე, გონება დახშული მხარისათვის? — არაფერი! არაფერი იმიტომ, რომ იმათი აზრები ერთმანეთს არ ეთანხმებიან. ნასწავლი მხარე მოინდომებს ამა თუ იმ სასარგებლო საქმის ჩაგონებას; გონება დახშული მხარე ვერ მიუწვდება იმის აზრის გაგებას.

აი, სულ უბრალო მაგალითს მოგახსენებთ: ყველა ჩვენთაგანმა იცის, რომ სოფლათ წლითი-წლით ბამდის რაიმე სენი ტრიალებს და ხან ერთ ოჯახში ჩაწვეს ლოგინში რომელსამე მის წევრს, ხან მეორეში. რადგან ავთმყოფს სხვანაირი მოვლა და წამლებით დახმარება უნდა და ამისი ღონე არ მოსდევს ღარიბ თავად-აზნაურშიელს და მით უმეტესათ გლეხ-კაცს, ამიტომ, რასაკვირველია, ძალიან ბევრი ესაღმება უდროვით წუთი-სოფელს და ტოვებს ცოლს უპატრონოთ, წერილ-შვილს ობლათ, უდევდ-მამოთ და სხვა. ამ გვარ მაგალითებს ძალიან ბევრს ეხედეთ ყოველ წლივ. რა უნდა ეშველოს ამას? რადგან ერთ პირს არ ძალუძს. შეძლების მიხედვით, ყოველ გაჭირვებულს დაეხმაროს, ამიტომაც საჭიროა საერთო ძალა. ამისათვის გულ-შემატკიავარს შეუძლია სოფლათ ფულის მოკრება თითო აბაზობით და შემდეგ ყოველნაირი, პირველათ მისაშველებელი წამლების ყიდვა. როდესაც წამალი იქნება, ყოველ გაჭირვებულს შეუძლია მიმართოს იქვე, იმ გულშემატკიავარს და ის, საჭიროებისა და გვართ, მიეშველება ავთმყოფს. ამას რა ჯობიან და ამაზე ადვილიც რა არის? მაგრამ ვის შეუძლია ჩაგონოს გლეხ-კაცს, რომ ბევრათ უჩვენებინა წელიწადში ერთხელ ერთი აბაზის გამოღება, ვიდრე სიკვდილი ოჯახის წევრისა და ბოლოს ორ-სამ თუმნობით დახარჯვა იმის დასაფლავებაზე? ვერავის, მე თქვენ გარწმუნებთ, ვერავის ვერ შეუძლია ამის ჩაგონება. პირში კვერს დაგიკრავთ, „თქვენ უფრო არ მოგეხსენებათ, შენი მუხლის ჭირიმიო“ გეტყვით და ამითი გათავდება, იმ აბაზს მაინც ვერ დაგდებინებთ ხელიდან. რათ არის ეს, თუ

არა იმის მიზეზით, რომ იმისი მეტის-მეტათ დასწული გონება ვერ მიიხვდარა ამ სასარგებლო საქმის დანიშნულებას. იმას მაშინათვე ღამხალივით აერგევა თავში: „ჩემი აბაზი ამას ჩაუყარდეს ხელში, ან გამიხდება ვინმე ავით, ან არა, მერე ჩემი აბაზი შეიძლება სხვას მოხმარდეს, ან ვინ იცის, არგებს ის წამალი თუ არა, იქნება მკითხავი იყოს იმ დროს საქირო? არა, ჯობს, ეს ჩემი აბაზი ჩემ ჯიბეში დარჩეს ისევე; როცა დამჭირდება, მე თითონ მოვიხმარა.“ გლენ-კაც-ს ამ გვარი განსჯა საქმისა და გულშემატკივარის ხელების უიმედოთ დაშვება—ერთი არის. ჩაუფუშდა ეს ერთი კეთილი ფიქრიც, ვაჭირებული მოძმის დახმარების სურვილი! ეს არის და ეს, მეორეთ ის აღარას ეცდება; ყოველი ოცნების დროს, ის შეუსრულდებელი მიზანი დაეხატება თვალწინ და ყველაფერს თავს ანებებს. არც გასამტყუნარია, ჩვენის აზრით. ეს საერთო თვისებაა, არ გინერსდება ერთი საქმე, მეორეს ან სულ არ მოჰკიდებ ხელს, ან უკულოთ.

ამ სენის ასაცილებლათ ჩვენთვის საჭირო არის, რასაკერეელია, სასწავლებელი ყოველ სოფელში, მრავალი სხვა-და-სხვა შინაარსისა და სურათებიანი წიგნაკების გამოცემა. ამათი მოწყალებით ის ერთი მხარე, რომელზედაც ზემოთ ვთქვით, იმდენათ განვითარდება გონებით, რომ კლასიკურ გიმნაზიებში და უნივერსიტეტში კურს დასრულებულებს საკმარისათ მხარს მისცემს.

მერე ამ სასწავლებლების დაარსებას, წიგნების გამოცემას და სამკათხელოების გამართვას ფული არ უნდა? დიანაც უნდა, ამას რა თქმა უნდა. ერთა და ორი პირი ღამ ვერ შეწყდება ამას, თუ საერთოთ ყოველმა ჩვენგანმა არ მიიღო მონაწილეობა? ამისათვის არის დაარსებული ჩვენში „წერა კითხვის გამავრცელებელი საზოგადოება“; მაგრამ ეს საზოგადოება საკმარისათ ვერ ასრულებს თავის დანიშნულებას, რადგან მას ძალიან ნაკლები დახმარება აქვს ჩვენგან. მაგალითათ, წვერი ჯერ სულ ცოტა ჰყავს და ვინცა ჰყავს, იმათზედაც წლობით არის დარჩენილი საწვერო შემოსატანი. ორაოდ-სამი წარმოდგენა ან ლატარია თბილისში გამართული—აი, ეს აცოცხლებს, ასე თუ ისე, ამ საზოგადოებას. არ ჰგვანებია ჩვენლების „წერა-კითხვის საზოგადოებას“ (მატიცას)! ვნით გამოუთქმელია, ბატონებო, ის სასოება, რა სასოებითაც ჩვენლები ეკიდებიან თავის „მატიცას“! ყოველი ჩხელი იბადება და კვდება „მატიცაზე“ ზრუნვაში. მაგალითათ, რომ დაიბადება ვინმე, იმისი დედ-მამა შეწირავს „მატიცას“ სასარგებლოთ რამდენიმე წელიწადს ახლათ დაბადებულის გულისათვის. შემდეგ, არ ჩაივლის უამისოთ არც იმისი ნათლობა,

არც იმისი ქორწილი, არც იმისი გადაცვალება; მოწაფე ისე არ გადავა კლასიდან—კლასში, რომ „მატიცას“ არა შეწიროს რა. ვაჭარი კაცი თავის მოვალეობათ თვლის რამდენიმე მანეთის შეწირვას ყოველ-წლივ, რომ საზოგადოებისგან დაიმსახუროს „დიპლომი“, რომლის მოწყალებითაც იმას მომეტებული ვაჭრობა აქვს პატრიოტი—ჩვენლებისგან. ერთ ოჯახს, ერთ მალაზიას, ერთ საწერილმანოს ვერ შეხვდებით, რომ ყულაბი არა ნახოთ იქ, რომელშიაც გროვდება ფული თითო შაურობით, გროვ-კაპიციობით. ამნაირი მეცადინეობა ათას-ათასობით აგროვებს ფულს „მატიცასათვის“ ღ „მატიცაც“ უმართავს მათ გიმნაზიებს, სამკათხელოებს, სკოლებს, აწოდებს აუარებელ წიგნებს და სხვა და სხვა. „რასაცა გასცემ შენია, რაც არა დაკარგულაო!“ აძლევს ყოველ წელიწადს თითოეული ჩეხი გროვებს და ამის მაგიერათ ეზრდება მას შეილება, აწოდებენ მას შეენიერ წიგნებს, კურნალებს... აი, რა მოგცბით იღებს იმ გროვებს, რომლების დაკლება არც კი შეტყობია იმის ჯიბეს!

ამ ქამათ ჩვენმა „წერა კითხვის გამავრცელებელმა საზოგადოებამ“ ყულაბები დაარბა ოჯახებში. უმთავრესი ნზრუნველობა დაევალოთ მანდილოსნებს. როგორც დაუაკირდით, მომეტებული ნაწილი ყულაბის მტერითეელი მანდილოსნებისა ძალიან გულმოდგინებით ეკიდებიან ამ საქმეს და დიდი მანეობით აგროვებენ ფულს. ზოგს კი მხოლოთ „ფორმისთეს“ ჩამოუყიდნია კედელზე, ან დაუდგამს რომელი-სამე მაგიდაზე და ჰგონია, რომ „საზოგადოებას“ მოუჭარბებია იმ ყულაბის გასაკეთებელი ფული, ან და თვისი მოვალეობის ასრულება ისა ჰგონა, რომ ყულაბას ადკილი დაუთმო თავის დარბაზში! მაგრამ ამ-თი გულს ნურაინ გაიტებს. ჯერ ერთი, რომ ამ გვარნი უფრო ცოტანი არიან და მომეტებული ნაწილი, როგორც, ვთქვით, დიდა ენერგიით ეკიდება საქმეს—მეორეც ესა, რომ ჯერ ეს საქმე ახალი დაწყებულია, ყველას არა ჯერათ, რომ ამ გვართ, შეუჩინელოთ, ფულის შეგროვება ათას თუმნობითაც შემოიჭანს თავის დროზე. მერე, როცა ნაყოუს დაინახვენ, ისინიც გულით მოჰკიდებენ ხელს, უკუადებენ თავის გულ-გრილობას საზოგადო საქმეში. ჩვენ მხოლოთ ამას ეწუხვართ, რომ დარჩებულნი ყულაბების რიცხვი, შედარებით, მცირედა. ფრიად სასურველია, რომ იმ პართ, რომელი-თაც ჩვენი საზოგადო საქმისათვის გული შეტყივით, თითონ მიმართონ „წერა-კითხვის საზოგადოებას“ და იკისრონ ყულაბი ფულის შესაგროვებლათ. ჰივართათ ჩვენ მოძმეთ, ამ ქამათ სხვა ქვეყნებში მცხოვრებთ, ვიცით, რომ ისთ მეტათ შეტყივით გულითა-

ვის სამშობლო მხარისათვის და არ დაზოგავენ დაზმარებას.

ამისათვის იმედია, თითოეული ქართველი კაცი თავის წმიდა მოვალეობათ ჩათვლის ორი გროზის გამომეტებას და „წერა-კითხვის“ საზოგადოების ყულაბში ჩადგებას.

ნ. ყიფიანის.



სხვა-და-სხვა ამბავი.



მას წინეთ გაზ. „თფილ ფურ.“ ში დასტამუ-ლი იყო შემდეგი ტელეგრაფა პეტერბურგი-დან: „ი. გ. მაჩაბლის პარტი-ს წარმომადგე-ნელთა საჩივარზე ორი აზრია წარმოთქმული: ერ-თა—ორივე საზოგადო კრების დადგინებათა გაუქმე-ბისათვის, მეორე მხოლოთ 19 ივლის ს საგანგებო კრების დადგინებათა გაუქმებისათვის. ეს საკანი სა-საბოლოოთ გადაწყდება ოც აგვისტოს“. ამ ტელეგ-რამის გამო ერთი თბილისელი გაზეთა წერდა, რომ ამნაირი აზრის წარმოთქმა შეუძლებელია, რადგანაც ბანკის გამგეობას არ დაჰკითხებია საკრედიტო კან-ცელარიაო. ამ ქვამთ, აი, რას გკითხულობთ ადგი-ლობრაჲ გაზეთებში: „ქართლ-კახეთის თავად-ახნაუ-რობის საადგილ-მამული ბანკის გამგეობამ რვა აგ-ვისტოს მიიღო ფინანსთა სამინისტროს საკრედიტო კანცელარიისაგან ქალაქი, ხელ-მოწერილი ვიცე-დირექტორის, ბ. ფუკოვსკის მიერ: „საკრედიტო ნა-წილის განსაკუთრებითი კანცელარია უმარჩილესათ თხოვს გამგეობას, რომ რაც შეიძლება ახლო ხანში, გამოგზავნოს უკანასკნელმა აჰავე კანცელარიაში სა-ზოგადო ჩეფულბერიფისა და საგანგებო, კრებათა ოქმების პირი“.

მეტია აქ ლაპარაკი იმაზე, თუ რა განჩინებას დაადგენს ფინანსთა სამინისტრო ამ საჭირ ბორო-ტო საქმეზე. ჩვენ ვიკითხვთ მხოლოთ ის, თუ სად არიან ახლა ის ეგებატონები, რომლებიც ამ საქ-მის „კეთილ დაბოლოებებზე“ გაიძახოდენ. საჭირო იყო მხოლოთ ცოტაოდენი გამჭრიახობა, რომ ამნაირი ფიქრი ყოველგვარ საფუძველს მოკლებული იყო, რომ ამნაირი „ბოლო“ კიდევ უფრო გააძინებდა და დაქსაქსავდა საქმეს. მაგრამ ვის უნდა მოეთხოვოთ ჩვენ კეთილ-გონიერება და გამჭრიახობა საზოგადო საქმეში, როცა ჩვენი მეთაურნიც პიროვნულ ინტე-რესებს ვერ გაცილებიან.

\* \*

გაზ. „Рис. Вѣд.“-ის სიტყვით ამ ქვამთ სახელ-

მწიფო საბჭოში შეუტანიათ პროექტი, რომელიც ეხება სამხედრო ბეგრის შეღავათის (ლგოტის) შემ-ცირებას იმ პირთათვის, რომლებიც რაიმე განათ-ლებას ღებულობენ. ეს პროექტი შემუშავებულია განსაკუთრებული კომისი-ს მიერ, რომელიც შემდგა-რი იყო განათლების სამინისტროში, ბ. გეორგიე-სკის თავმჯდომარეობით. ამ პროექტის ძალით განათ-ლებულთათვის შემდეგი შეღავათი იქნება დაწესე-ბული: 1) სამსახურის საზოგადო ვადა იმ პ-რთა-თვის, ვისაც არაერთი განათლება არ მიუღია, — 5 წელი ნამდვილ სამსახურში და 13 წელიწადი ზა-პასში; 2) შემოკლებული ვადა: ა) იმ პირთათვის, რომელთაც მეოთხე ხარისხის სასწავლებლის მოწო-ბა აქვთ, — 4 წელი ნამდვილ სამსახურში და 14 ზა-პასში; ბ) იმ პირთათვის, რომელთაც მიუღიათ სწავ-ლა მაღალ, საშუალო და მესამე ხარისხის სასწავლებ-ლებში, — 3 წელიწადი ნამდვილ სამსახურში და 14 ზაპასში; გ) მესამე და მეოთხე ხარისხ-ს სასწავლე-ბელთა მასწავლებლებისათვის ერთი წელი ნამდვილ სამსახურში და 17 წელი ზაპასში. ეს პროექტი გაგზავნილი იყო ყველა სამინისტროებში და უმთაე-რეს გამგეობებში, რათა ამ უკანასკნელთაც წარმოეთ-ქვათ ამ საგანზე თავიანთი აზრი. როგორც გაზეთები იუწყებიან ამ პროექტის წინააღმდეგი გაქნდარა ფი-ნანსთა სამინისტრო, რომელიც თავის ვრცელ მოხ-სენებაში აბტოკებს, რომ შეღავათის შემცირება იმ პირთათვის, რომლებიც რაიმე კანათლებას ღებულო-ბენ, დიდათ მავნებელი იქნებაო.

\* \*

ქალაქის გამგეობის ცნობებიდან ჩანს, რომ წელს პირველ იანვრიდან პირველ ივლისამდე ქალაქს 659,002 მანეთი და 71 კაპ. შემოსავალი ჰქონებია; ივლისში შემოსულა 96,490 მან. და 80 კაპ., სულ 755,042 მან. და 79 კაპ. იმავე დროის განმავლობა-ში დახარჯულა სულ 616,157 მან. და 70 კაპ. ამ-ნაირათ შემოსავალი აღემატება ხარჯს 138,885 მანეთით და 9 კაპ.

\* \*

გაზ. „Нов Обоз“-ის პეტერბურგიდან აბტობი-ნებენ, რომ სოფ. ქეთანისა და გალაღიდის საზო-გადოებათ უმაღლესი ბრძანებით, წყალდიდობისაგან დაზარალების გამო, მიეცათ სესხათ 15,000 მანეთი 4% ხუთი წლის ვადით.

\* \*

ქართულ ენაზე კვალით იწყეს უხვირო წიგნე-

ბის გამოცემა. მაგალითებზე, ამ ღლებში გამოიცა ერთი უმსგავსი ანბანი, 16 გვერდი, ფასი ორი შაუ-რი, გამოცემა აივანოვისა. სერგეი მღვიანოვის და ანატოლოვის „სიზმრის ასხნა“ კიდე დასტამბეს. ეს უმსგავსი წიგნაკები ყოველ წელს ისტამბება და უმეტეს ნაწილს იტყურობი ავრცელებენ.

\* \*

ამ ქამათ თბილისში იბეჭდება მოსე ხონელის რომანი „ამირან-დარეჯანიანი“. გამომცემელს, ბ. ზ. ჭიჭინაძეს, სურს, რომ ამ ძველ წიგნს ბოლოში ჩა-უერთოს ყველა ის ლექსები, ლეველები და აზბები, რაც კი ამირანის შესახებ ხალხში დარჩენილა; ამი-ტომ ის ითხოვს, ვისაც რამ ექნეს ამირანის შესა-ხებ, ის ჩვენ რედაქციაში წარმოადგინოს, რაც და-უყოვნებლივ გამომცემელს გადაეცემა.

\* \*

ქუთაისში ახალგაზდა ქართველ ყმაწვილ კაცს, ბ. ლალიძეს ერთი ბიჭი დაუქირავებია და ქართულ წიგნებს ატარებინებს და აყიდვინებს. საქმე თურმე კარგა მადის და წიგნები გვირანათ იყიდება ქუთაი-სის გარშემო სოფლებში. ბ. ლალიძეს ამ საქმით მხოლოდ წიგნების გაერცელება სურს და არა მიკვება.

\* \*

მეგრული ლოცვების საქმე ამ მოკლე დროში კვალათ განახლდა. დღეს მასზე სჯა და საუბარია გა-მართული.

\* \*

სოფ. სამტრედიიდან „Нов. Обоз.“-ის ატყობინე-ბენ: ამას წინეთ ადგილობრივმა მცხოვრებლებმა დაად-გიწეს განაჩენი ს. სამტრედიის ქალაქათ გადაკეთებაზე. ამ დადგინების შესახებ საგუბერნიო გამგეობამ უკვე იშუამდგომლა, სადაც ჯერ არს. ამ ქამათ სამტრე-დიაში ითვლება ოთხი ათასი მცხოვრები, რომელიც უმეტეს ნაწილათ აღებ-მიცემობას ეტანება. სხვა-და-სხვა საეპკოროების რიცხვი 413 აღას; 50 სიმინდის საწყობია, 2 ნავთის, ორი სამადნო წყლების ქარხა-ნა და 11 აგურების. საერთო აღებ-მიცემობა სამ-ტრედიისა ამ ქამათ აღებატება მილიონ ნახევარ მანეთს. აქედან აშკარათ ჩანს, რომ სამტრედია, რო-გორც მცხოვრებთა რიცხვით, ისე აღებ-მიცემობით ბევრათ აღებატება სავაზრო ქალაქებს, როგორც არა-ან, მაგ., ოზურგეთი, ახალ-სენაკი და სხ. ამიტომ ქალაქათ გადაკეთება სამტრედიისა აუცილებელ სა-ჭიროებას წარმოადგენს.

\* \*

გაზ. „Приказ Кр.“-ში წერენ შემდეგს: „განა-თლების საინისტრო აღდგენს ახალ განკარგულებას რუსული ენის სწავლებაზე კავკასიის ადგილობრივ მკვიდრთა სკოლებში, რომელიც ოლქის მზრუნველის მიერ გაეგზავნებათ ყველა სახალხო სკოლათა დირექ-ტორებს. სახელმწიფო ენის შესწავლას იქიკეული ექ-ნება განსაკუთრებით ყურადღება ამ განკარგულების შემდგენის დროს მიღებული იყო მხედველობაში ყვე-ლა შენიშვნები ამ საგანზე კავკასიის სამასწავლებ-ლო ოლქის მზრუნველის, კ. პ. იანოვსკისა, რო-მელსაც ბევრი ამაგი მიუძღვის ამ მხრით“.

\* \*

ბაქოს ყველა ნავთის ქარხნებში ამ წელს, პირველი ექვსი თვის განმავლობაში უშოვიათ 179.366,752 ფუ-თი ნავთი. გატანილა ყოველგვარი ნავთის ნაწარმოები კავკასიის რკინის გზით და კასპიის ზღვით იმავე ხნის განმავლობაში 130.453,000 ფუთი. თუ 1895 და 1896 წ. ნახევარი-წლები შევადარეთ ერთმანეთს, აღმოჩნდება, რომ ნავთის შოვნა წელს შემცირებუ-ლა 23.845,412 ფუთით შარშანდელზე, გატანა კი შემცირებულა 17.425,000 ფუთით.

\* \*

ჩვენ მივიღეთ ბათომიდან ბროშურა შემდეგი სათაურით: „М. С. Бетановъ. Эксплоатация Кавказской Вѣлой Инфузорной Земли (Кизельгуръ) и Пестраго Инфузорита“. ამ წიგნაკში აწერილია ინფუზორი-ტის თვისებანი და აგრეთვე მისი ხმარება სხვა-და-სხვა საალებშიცემა და სამრეწველო საქმეში. ყოველსავე ამას ზე-დართული აქვს სხვა-და-სხვა სპეციალისტ-თა აზრი.



### საყურადღებო ამბები.



ქსუში. იელისის უკანასკნელ რიცხვებში ლეჩხუმის საფილოქსერო დასმა ს. ორხევში პირველათ აღმოაჩინა ფილოქსერა გლეხი ივა-ნე გაბიზაშვილის ეენახში. აქამდე ფილოქსერა იყო მოსულსი ს. დერჩამდე და დღნორისამდე; ახლა კი, როგორც ეხედაეთ, შვიდი ვერსის მანძილზე წაუწყე-ვია მას ლეჩხუმისკენ. ფილოქსერა—მოდებული ეე-ნახი გაბიზაშვილისა 400 ოთხ-კუთხი საქენია. ფი-ლოქსერა აღმოჩნდა ასამდე ვაზზე. საფილოქსერო

დასმა დაიწყო დაწვლილებითი ჩხრეკა ყველა ანლო-  
მანლო ვენახებისა, მაგრამ ჯერ-ჯერობით სხვაგან არა  
აღმოჩენილა რა. უეჭველია, ივანე გაბიზაშვილის ვე-  
ნახს ისეთივე დღე დადგება, როგორც დადგათ ს.  
დერჩში და დღნორისაში აღმოჩენილ ფილოქსერიან  
ვენახებს. ამიტომ პატრონი ფრიად წუხს და გოდებს,  
ეღარ იცის, რა ქნას დარღისაგან. მართალია, მას ამ-  
შიდებენ, როდესაც ეუბნებიან, რომ საფილოქსერო  
კომიტეტი დაზარალებულთ აძლევთ საჩუქარს, მაგ-  
რამ რას შეადგენს კომიტეტის 100 ან 200 მანეთი  
იმ ვენახთან შედარებით, რომელიც მართა ერთ წე-  
ლიწად მისცემდა ამდენივე შემოსავალს პატრონს?!  
ყოველ შემთხვევაში, როდესაც კი ვზრუნავთ მთელი  
საზოგადოების კეთილ-დღეობაზე, არ უნდა დავივიწყ-  
ოთ კერძოთ თითოეული პირის კეთილ-დღეობაც.  
ენ არ იცის, რომ საფილოქსერო კომიტეტი დიდი  
განსაძღვლისაგან იხსნის მთელ მხარეს, როდესაც  
საბოზს იმ ვენახს, სადაც ახლათ გაჩენილა ფილოქსე-  
რა; მაგრამ კომიტეტს ისიც არ უნდა დავიწყედეს,  
რომ მთელი საზოგადოების სიკეთის აშენება კერძო  
პირის განადგურებაზე, უსამართლოებაა. როდესაც  
ივანე გაბიზაშვილის ვენახი ისპობა, ისპობა ამასთან-  
ავე მტერი მთელი საზოგადოებისა, მაშასადამე,  
ივანე გაბიზაშვილი თითქმის მსხვერპლია საზო-  
გადოებისა და ნუ თუ ამას შემდეგ ზნეობით ვალ-  
დებულნი არა ვართ ეს პირი დეკლარაქროთ ღირ-  
სეულათ? ღირსეული დასაჩუქრება კი, ჩვენის აზრით,  
ის იქნება, როდესაც კომიტეტი დაფასებს გაბიზა-  
შვილის ზარალს და ამის-და-გვართ უზღავს ნაზარა-  
რალეც. მართალია, გაბიზაშვილსაც მიუძღვის დანა-  
შაული, ეინადღან მას ვაზის ლერწი იმ სოფლიდან  
უნდა ჰქონდეს გადმოტანილი, სადაც ფილოქსერაა,  
თუმცა, ამას თვით არ ამხელს; მაგრამ ეს მისი საქ-  
ციელი არის ნაყოფი მხოლოდ მისი უმეცრებისა,  
ურწმუნოებისა, რაც უნდა იქმნას მხედველობაში მი-  
ღებულ ეისგანაც ჯერ-არს, ე. ი. საფილოქსერო  
კომიტეტისაგან.

ღეჩხუმში ხანგრძლივ გვალვას ბოლო მოულო  
წვიმამ, რომელიც გავრძელდა სამ-ოთხ დღეს, 24—  
27 ივლისამდე და რომელმაც გამოაბრუნა ღონე-  
მიხილი სიმინდი. მაგრამ რა? ხელახლათ გვალვა  
დაიწყო და სიმინდს ფოთოლი ისევ შეახმო, ყანების  
მკას შეუდგენ აქ. პურის მოსაყალიც შარშანდელ-  
ზე ნაკლებია.

დროებით ღეჩხუმელი.

\* \*

საიღვან წარმოღვა სიტყვა „აბასთუმანი“  
როგორც მოგვხსენებთ, დაბა აბასთუმანი გახლავთ ავა-

რაკი ახალციხის მაზრაში, ქვაბლიანის საბოქაულო-  
ში, ოცხის ხეობაში. აქ არის შეენიერი და თფილი  
სამკურნალო წყლები. „აბასთუმანს“ რუსულათ წი-  
ნეთ წერდენ ამ გვართ: „Абасъ-Туманъ“; ამ ბოლო-  
დროს კი ეს სიტყვა შეაერთეს ასე: „Абастуманъ“.  
რასაკვირველია, უკანასკნელი უნდა იყოს მართლ-  
წერა.

იმ ადგილს, საცა ახლა აგარაკი აბასთუმანია,  
ისტორიული სახელი აქვს ოცხე. მოხუცებული ქარ-  
თელობაც, რომელმაც კი იცის ამ თფილი წყლების  
არსებობა, უწოდებს ამ სახელსევე. ხოლო აბასთუმან-  
ი კი ჰქვია პატარა სოფელს, რომელიც მდებარეობს  
ოცხის ხეობაში, შესავალს შარა-გზაზე (შოსეზე),  
სოფელ ვარხანის იქით. \*) აი, ამ სოფლის სახელი  
ვილაცას წყალობით გადასულა ოცხეზე. მე მგო-  
ნია, ეს უნდა იყოს სომხისა ან რუსის ექიმის  
წყალობა. ალბათ სიტყვა „ოცხე“ არ მოეწონა, ის-  
ტორიული სახელი ჩამოართვა იმ ადგილს და მახლო-  
ბელი სოფლის სახელი აბასთუმანი უწყალობა. ამის  
მაგალითები ბევრია საქართველოში. თუ კი სრუ-  
ლიად გადაგვარება სახელებისა მოახერხეს, ამას რა-  
ღა დაუშლიდათ. მაგალითათ სოფელი „სხვილისი“  
(4 ვერსზეა ახალციხიდან) მოუწათლავთ სუფლისათ,  
სოფელი „ზეელი“ — ზეუსეულათ და სხვა.

რადგან აგარაკ აბასთუმანში (ოცხეში) საშინელი  
სიძვირება, ამის გამო ვილაცას გაუხუმრია: „თუ  
წინეთ აბაზი გყოფნიდა, იმ ადგილს ახლა თუ-  
მანი არის საჭიროვო. აი, აქედან, წარმოადგა სიტყვა  
აბასთუმანიო—„აბაზი-თუმანი“. ზოგიერთს ეს ჰქმნა-  
რიტებათ მიუღია და მართლაც ასე ჰგონია. ეს რომ  
ასე იყოს, მაშინ საქართველოს ყველა აგარაკს აბას-  
თუმანი ერქმევიდა. განა კოჯორი ან ბორჯომი კი  
ჩამოუვარდება აბასთუმანს სიძვირეში?..

ზისერმანი „თფილისის გუბერნიის აღწერაში“  
აბასთუმანს მოიხსენიებს და ამბობს: აბასთუმანის  
თფილ წყლებში შან-აბასი ბანაობდაო. უცებ თავს  
წამოადგა დიდ-ძალი მტერი. შან-აბასმა ჩაცმაც ვეღარ  
მოასწრა რივიანათა. ასე რომ პერანგის ამხანავი  
იქ დარჩა. ხალხმა დინახა და დაიძახა: აბასის თუმა-  
ნი, აბასის თუმანიო!“ (თუმანი ოსმალურათ პერანგის  
ამხანავსა ჰქვია). ამიტომაც ზისერმანისა და ზოგიერ-  
თი სხვების აზრით უნდა დაიწეროს: „Абасъ-Туманъ“.

მე კი ახალციხეში ერთმა მოხუცებულმა აბას-  
თუმანზე მიამბო შემდეგი: „იმ ადგილას, საცა სამ-

\*) ახალციხიდან აბასთუმანში იმაჟავდეს შარა გზა-  
ზე (შოსეზე) შესვლეჲს მხოლოდ სამი სოფელი: პენ-  
რა, ვარხანი და აბასთუმანი. სამივე სოფელში გააუღის  
შარა-გზა; უკანასკნელი არის აბასთუმანი.

კურნალო თბილი წყლებია, ჰქვია ოცხე. აბასთუმანს შეცდომით ეძახიან. აბასთუმანი არის პატარა სოფელი ოცხის ხეობის შესავალს. აქ ძველათ დიდი ქალაქი ყოფილა. ისე დიდი, რომ ერთი დიდი უბანი სულ წაბაზგებს (პურის მცხოვლებს) ჭერიათ. ეს უბანი იქ ყოფილა, სადაც ახლა სოფელი აბასთუმანია. ქალაქი ურჯულობებმა ისე ააოხრეს, რომ ქვა-ქვაზედაც არ დატოვეს; ხალხი ამოწყვეტეს და ქალაქიც მოისპო. წაბაზთ უბანში შემდეგ ისევე დასახლდა რამდენიმე კაცი და ეს სოფელი იქიდან არისო. ძველათ ამ სოფელს ეძახოდნენ საზახთ უბანს, მაგრამ შემდეგ აბასთუმანათ გადააკეთესო“.

ვერანებ ეს თქმულება კუსთან ახლო უნდა იყოს. რომ ოცხის ხეობის შესავალს არაბებმა ქალაქი ააოხრეს და განადგურეს, ეს ისტორიულათ ცნობილია. ის ხომ ადვილათ შესაძლებელია, რომ „წაბაზთ უბანი“ აბასთუმანათ გადააკეთეს. თუ კი სხვა სახელები გადააკეთეს, ამას ვინღა დაუშლიდა. გუჩაიში დაბალი ხალხი ახლაც აბასთუმანს ეძახის ამ ადგილს. ისიც შეიძლება, რომ, საცა ახლა სოფელი აბასთუმანია, იქ დიდ-ქალაქის დროს იყო აბასთუმანთ უბანი: ეგრისს ან ეგრის წახეგრის სიზოარეზე ამ სოფლიდან ახლაც არის ერთი სოფელი სადაც სულ აბასთუმანები ცხოვრობენ, მანმადიანი ქართველები. ერთი სიტყვით, ყოველ ეჭვს გარეშეა, რომ სიტყვა „აბასთუმანი“ არც აბასთუმანიდან წარმოადგება და არც შაბ აბასის თუმანიდან (პერანგის აბასნაგიდან),—ან უნდა იყოს საზახთ უბანი და ან აბასთუმანი უბანი.

გ. ბ.

\* \*

დასა ჩოხატაუჭი. ჩვენში ამ ქამათ ორიოდ მოსახლეს ვერ იპოვიან, რომ მქადასა და ღომს გირვანქობით არ ყიდულობდეს. მიწის სიციფროვის გამო თუ ვინმეს ძროხა მოეპოვება ისიც შიმშილით უკვდება და ძვალ ტყავათ არის გამხდარი; აბა, ღორი რაა და, ისიც ეზოში ჰყავთ ბაწრით მიბმული.

წინა წლებში ჩვენებური გლეხები მორჩებოდნენ თუ არა რთველს, მაშინვე მიეშურებოდნენ სამუშაოთ, საქართველოს სხვა-და-სხვა ადგილებში, მაგ., ბათომში ქუთაისში, ფოთში, სოხუმში და ნოვოროსისკში. მაგრამ უმეტესათ კი ბათომში, სადაც შესანიშნავი ნავთის ქარხნებია და თუმცა წინანდლები კარგს ქირას ვეღარ ღებულობდნენ, მაგრამ იმათ მაინც აქ ერჩიათ, რადგანაც თავიანთ ოჯახებთან ახლოს იმყოფებოდნენ; ოქტომბრის პირველ რიგშიდან წასული მუშა ჩეხებოდა გარეთ მარტის დამლევამდე და რასაც შოულობდა, ამით აკმაყოფი-

ლებდა სხვა-და-სხვა მოთხოვნილებას, რომლის აღნუსხვა აქ საჭირო არ არის.

საუბედურათ, წარსულ წლის მეორე ნახევარს, ბათომის ნავთის ქარხნებში თითქმის შეწყვეტილი იყო მუშაობა, რის გამო სოფლის მუშა ხალხი იძულებული იყო უკან დაბრუნებულიყო. ამ ნაირათ მრავალი გარემოებანი შეერთდნენ ერთათ, რომ ისეთაც დაცემული მდგომარეობა ხალხისა, კიდევ უფრო ძირს დაცემულიყო. ამ ნივთიერი განადგურების დროს გარდასახდები ისევე იმოღვინე რჩება, რაც ჩვეულებრივით ყოფილა. ვინ აცდენთ გარდასახდეს? მამასახლისებმა მკაცრი ბრძანება გასცეს თავიანთ ნაცულებზე და ყველა ხელქვეით მოხელეებზე, რომ ფულები უკლებლათ აეღოთ კომლზე 27 მანეთი და „კაზიონი“ 80 კაპეიკი.

მე თითონ ვნახე, რომ ერთ საბრალო გლეხს სიმინდი გამოუყარეს ნალიიდან იანერის დღეში თვე გასულმა მოხელეებმა და, რა რომ გადასახდაში სიმინდი არ აუთავდათ, ნალიაც ზედ დამატეს. ეს უყვეს სწორეთ იმ დროს, როცა საბრალო (ბ. ს. ძე.) ავთმყოფი ლოგინათ იყო ჩავარდნილი. ამნაირი შემთხვევით ისარგებლეს „დავით დროძეებმა“ და რაც რამ სარჩო-საბადებელი ჰქონდათ გლეხებს, შეიყიდეს სულ, მესამედ ფასათ. აბა, რა გზა ჰქონდათ გლეხებს რომ არ დათანხმებოდნენ? რა წყაროდან მიეცათ გარდასახდები? გაუპატიურებას ისე არჩიეს შიმშილი და, აი, სწორეთ ეს გახლავთ მიზეზი, ჩემო მკითხველო, რომ ჩვენებური გლეხები ამ ქამათ ყველა მქადას ყიდულობს. კიდევ კარგი, რომ წესიერ ფასათ იძლეოდნენ ვაჭრები, მაგრამ ეს ასე არ არის. იმ სიმინდს, რომელიც გლეხისგან შეიყიდეს დროძეებმა 25 კაპ. ისევე გლეხებივე ყიდულობდნენ 80—100 კ. იმასაც ბევრი ხეყვნით და მულდარებით.

ღ. ჩოხატაუჭელი.

\* \*

ქ. ასალციხე ქუთაისის წახეგრის ოდენა იქნება. იგი გადაფენილია ორ პირდაპირ მდებარე კორღზე, რომლებიც იყოფებიან ერთი ერთმანეთისაგან მდ. ფოცხოვის წყლით. ამნაირათ ახალციხე იყოფება ორ ნაწილათ: ერთ ნაწილს ეძახიან „რაბათს“ ანუ „ძველ-ქალაქს“ და მეორეს „პლანს“ ანუ „ახალ-ქალაქს“. რაბათში ცხოვრობდნენ, როგორც რეალური, აგრეთვე ტომით ქართველები. მათგან ერთმა ნაწილმა მამადიანობის დროს მიიღო კათოლიკობა, მეორემ კი ძველი სარწმუნოება შეინახა. ახალციხის აღებას შემდეგ (1828 წ. 15 აგვისტოს), პასკევიჩმა აქ გადმოასახლა სომხები, რომლებმაც გააშენეს „ახალი ქალაქი“ და ახლა შეადგენენ მკვიდრთა უმეტეს

ნაწილს, არა თუ მართო რიცხვით, არამედ ეკონომიურათაც. ამას გარდა „პლანში“ ცხოვრებენ რუსები, „რაბათში“ ურიები, ბერძნები და სომხები.

გასულ წელს აქ დაარსდა წიგნთსაცავი. სწორედ მადლობის ღირსია ახალციხის სამოქალაქო სასწავლებლის მასწავლებელი ბ. ბურჭულაძე. რომელიც თავგამოდებით შრომობდა ამ საქმის დამთავრებისათვის. წიგნთსაცავში მოიპოვება ქართულ-რუსული წიგნები და ჟურნალ-გაზეთები.

მსურს აგრეთვე ვაცნობო „კეალის“ მკითხველებს, რომ „ძველ-ქალაქში“ არსებობს ორ-კლასიანი საქალბო სკოლა.

მას შემდეგ რაც ანა მუსხელიაშვილისა გარდაიცვალა ეს სკოლა უკიდურეს მდგომარეობაში იმყოფება, რადგანაც ეს უკანასკნელი ყოველ მხრივ დიდ დახმარებას უჩენდა ამ სკოლას.

შარშან სხვა-და-სხვა პირების შემწევობით და მეცადინეობით შედგა საზოგადოება ამ სკოლის შენობის ასაშენებლათ; ეს შენობა აგერ ორი წელიწადი იქნება, რაც შენდება, მაგრამ დასრულება როდის ეღირსება ვინ უწყის, რადგანაც საზოგადოება ძლიერ გულგრილათ ეკიდება ამ სასარგებლო საქმეს.

ასაღცისკლი.

\* \*

ქვემო-მასხანის, ამ დღეებში აქ იყო კრება ქიზიყის სახალხო დეპოს წევრების და არა წევრების თანა დასწრებით. ანგარიშმა გვიჩვენა შემდეგი: დეპოს ჰქონია წევრთაგან შემდგარი სათანო ფული 9030 მ. (გარდა თფილისის ვაჭრებისაკან ნისიათ მოტანილი საქონლისა). ამ ფულით ათი თვის განმავლობაში უფაქრია დეპოს 40,529 მ. და 65 კ., მოგება ყოფილა 4398 მ. და 80 კ.; ამ მოგებიდან გამოირიცხა გამგეობის წევრთა ჯამაგირი დეპოს სხვა ხარჯთან ერთათ; და წევრებს შეხვდათ ათი თვის დივიდენდათ მანათზე 13% აქედანაც თანახმათ წესდებისა გამოერცხათ 20% საქველ-მოქმედოთ და 20% ძირის თანხის გასადიდებლათ.

კრებაზე ყველა კითხვა თავის შესაფერი სჯაბასით იყო განხილული და გადაწყვეტილი, რადგანაც თითქმის მთელი ქიზიყის ინტელიგენცია დაესწრო. სხვათა შორის შემდეგ საგნებზე ჰქონდათ სჯა: 1) დეპოს აღებ-მიცემობის გაძლიერებაზე რ განყოფილებების დაარსებაზე; 2) ღვინის, მატყლის, სულადის, თამბაქოს და სხვა ნაწარმოების შინ და გარეთ ბაზრის მოპოვებაზე; 3) შალების, ხურჯინების და ფარდაცების საფეიქროს გახსნაზე.

ამ საგანზე სჯამ გამოიწვია ის აზრიც, რომ

დღეს ჩვენში, ქიზიყშიაც, როგორც საქართველოს სხვა კუთხეებში, „ძალიან მრავალ არს სამკალი და ძალიან მცირედ არიან მომკალინი“, თორემ ჩვენ რომ მტკიცე ძმობა—ერთობის ძალით იმ ჩვენ მილიონ მანეთებს ჩვენვე ვიბრუნებდეთ ყოველ წლივ, ჩვენი აღებ-მიცემობის სხვისა ხელიდან გამოცლით, მაშინ არა თუ საშუალო სასწავლებელს, უმაღლეს სასწავლებელსაც კი გაუძღვებოდა სიღნაღის უმდიდრესი მაზრა-ქიზიყი. ამ კრებაზე დეპოს ახალი წევრებიც ბევრი შეძინა.

კრებაზევე ბ-მა ი. გომელაურმა ასესხა დეპოს აღებ მიცემობის გასაძლიერებლათ ათას ცხრაასი მანეთი. კრებამ გულითადი მადლობა გამოუცხადა დეპოს გამგეობას და რევიზიის წევრებსაც საქმის კეთილ-სინიღისიერათ და ბეჯითათ წარმოებისათვის.

დეპოს წევრთაგანი.

\* \*

ქვემო რაჭა. სოფელ ამბროლაურში საეკლესიო-ფოს დაარსებამ, და მასთან ეკიმის და ფერშობების მუდამ იქ ყოფნამ მთელ რაჭას დიდი შემწევობა აღმოუჩინა. იმისთანა დღე არ გაივლის, რომ ორმოცი ხან სამოცი ავათმყოფი არ ეხებენენ ეკიმს გარს; ზოგი გაშინჯვას ითხოვს, ზოგი წამალს და ზოგიც რას. წამალს, თუ ღარიბია ავათმყოფი, უფასოთ აძლევენ. ამბროლაურში რაც საეკლესიო-ფო გაიხსნა, მას აქეთ მხოლოთ ორი წელი იქნება. ეკიმი პირველათ რუსი იყო, ამ ჟამათ კი ქართველია, ბ. ნადირაძე. სიამოვნებით აღენიშნაეთ, რომ ბ. ნადირაძე ერთობ ძლიერ გამჭრიახი კაცია და ამასთანავე კეთილი და ქველ-მოამქმედი.

ამბროლაურში დაარსდა უფასო სამკითხველო; ამ სამკითხველოს ქართული წიგნები ჯერ-ჯერობით ძლიერ ცოტა აქვს. ამას წინეთ მე და ერთი ჩემი ამხანაგი მივედით სამკითხველოში წიგნების წასაღებათ. სამკითხველოს გამგეს ბ. მაჭარაძეს მოვთხოვეთ კატალოგი, რომელმაც ძლიერ გავგაკვირვა, რადგან გვაჩვენა კატალოგი რუსულათ შედგენილი. სწორედ ეს დიდი შეცდომა მოსვლია, ვინც ამის შედგენა ასე ინება. ერთიც ენახოთ ვინმე ქართველი მკითხველი მივიდა, რუსულის არ მცოდნე, იმან როგორ უნდა ისარგებლოს ამ კატალოგით? ვგონებ უმჯობესი იქნებოდა, რომ ქართული წიგნების დასახელება ქართულათ იყოს ჩაწერილი და რუსულის-რუსულათ.

ჯანო ჭიჭინაძე.



\* \*

ს. წეგა (შორაპნის მასრა).  
 15 ივლისს იმერეთში დღესასწაულობენ კვირიკობას; მაგრამ ისეთი ამბით არსად იციან კვირიკობა, როგორც ს. წეგაში. ორი დღის წინეთ დღესასწაულისა, დ. ზესტაფიანიდან, ქუთაისიდან და თბილისიდანაც ვაჭრები მოზიდვენ სხვა-და-სხვა საქონელს, ქირაობენ აქ კარეებს, რომ ლეგსაც ამ დღესთვის მცხოვრებლები აკეთებენ და იმართება ვაჭრობა.

წლებიდან ვაჭრობა, როგორც ამბობდნენ, უწინდელთან შედარებით ძლიერ ნაკლები იყო, რადგან მოვაჭრენი ნაკლებათ იყვნენ. ეს, რასაკერძოდაც, იმის გამო მოხდა, რომ გზები შარშანდელი და წლებიდან წყალდიდობისგან გაოხრებული იყო და ვაჭრები უგზობრად შეაშინა. შემოსავალი წლებიდან ვაჭრობიდან გადაღებულია აქაურ სამრეწლო სკოლის სასარგებლოდ.

ამ დღეობამ იმსხვერპლა ორი მექალამნე სოფელ ქვიტირიდან (ქუთაისის მასრა), რეები საღამოს საეჭროდან ს. ჯალაში მიდიოდნენ, უმთვარო ღამე იყო; სოფლის ახლო ვილაკები დახვედროდნენ, გაეცარცვათ და კიდევაც მოეკლათ. დი-



მოთამაშე ბავშვები.

ლით აღრე დ. ყვირილის ბოქაულს შეატყობინეს ღმისი მეცადინეობით ამოაჩინეს ის ოჯახი, სადაც ღამე მკვლელებს გაეთიათ.

ს. ჯი-ლი.

\* \*



აცივდა გული, მგზნებარე,  
 გარდიქცა ყინულ-საღალა,  
 თუნდა გენიაც შეუთნო,  
 აღარ გათბება ძალათა!..  
 რაც მწამდა, იგი აღარ მწამს,  
 რაც მწამს, უარ-ვეყოფ მასაც,

სისხლის მსმელ მხეცათ მივიღებ  
 თვით ლეიძოზე ნადებ ძმასაცა...  
 რა არის მთელი ქვეყანა?  
 — ლერძი, სიყალბით მბრუნავი,  
 რა ხარ შენ, ძეო აღამის?  
 — მძორი სისხლთ ტბაში მცურავი!  
 გული ერთს ვითხრობს, წყეულო,  
 ენა კი სხვაფერე მთქმელია,

გველი გჯობს, კერძოვ გველისა,  
 ის მაინც გარეთ ჰქრელია!  
 და რაღა დამრჩა, რომ კვალად  
 ცხოველ ჰყოს რწმენა, წამწყდარი?  
 —არა-რა, ქვეყნათ არა-რა,  
 გაქტა სიწმიდის ტაძარი!..

განდეკილი.

1896 წ. 3 აგვისტო.

გეგმაზის მოწაფე ქალთა მოგზაურობა ნიყინი-ნოე-  
 გოროდის გაყოფენაზე.

წერილი I

**ჩ**ვენ გავემგზავრეთ 25 მოწაფე და ერთი ჩე-  
 ვნი მასწავლებელი ნიყინი-ნოეგოროდის გა-  
 მოფენაზე. წინათვე გადაწყვეტილი იყო, რომ  
 ბაქოზე უნდა წავსულიყავით, ბაქოდან პეტროვსკამ-  
 დის, შემდეგ სულ რკინის გზით ევრონეფზე, მოს-  
 კოვს და იქიდან ნიყინსკენ უნდა გამოეტრიალე-  
 ბულგეიყავით. თბილისის სადგურზე მესამე კლასის —  
 ნახევარი ვაგონი დაგვიტემს და მიკვირს, ცოცხლე-  
 ბი როგორ ჩამოვედით ბაქოდის. მეგონა გზაზე მო-  
 ეხრაკებოდათ; საშინელი სიცხე იყო, მაგრამ მაინც  
 ისე მხიარულათ მოვიდოდით, რომ ეს თითქმის არც  
 შეგვინიშნავს. გასაგრალებლათ ფანჯრებიდან წყალს  
 ვასხამდით ერთმანეთს; საუბედუროთ, ეს დროს გა-  
 ტარებაც დაგვმწარა: ერთმა მოსწავლემ ისე კარგათ  
 გადასხა ერთი ფანჯრიდან მეორეში წყალი, რომ  
 თავიდან ფეხებამდის გაწუწა ჩვენი მასწავლებელი.  
 ამას შემდეგ, რასაკვირველია, წყალს თავი დაჟანგებთ.  
 ცოტა რომ შეღამდა, შუა ვაგონში ჩაის სმა გავ-  
 მართეთ, ამოვალაგეთ სახლიდან წამოღებული საგ-  
 ზალი და ისეთი ლხინი გავმართეთ, რომ უკეთესი  
 არ შეიძლება. ჩაის დალევის შემდეგ, ორი საათი  
 ვისაუბრეთ იმაზე, როგორ დავიძინოთ ღამე; დიდი  
 სჯის მერე გადაწყვეტეთ, რიგ-რიგათ ორ-ორი სა-  
 ათი ვიძინოთო, მაგრამ საქმე სულ სხვანაირათ  
 მოეწყო; რვა მოსწავლე დაწვა და დაიძინა. გავიდა  
 ორი საათი, ბევრი ვალეძეთ, მაგრამ ტყუილათ! ჩე-  
 ვნი ხმა ჰი არა, ზარბაზანი რომ გავგეგლო მათ თავ-  
 თან, მაინც ვერ წამოაკუნებდით. სხვა ღონე აღარ  
 იყო, ძილი არ შეიძლებაოდა, ჩვენ გადაწყვეტეთ ქა-  
 ლადის თამაში; გაიყავით ჯგუფ-ჯგუფათ და ცხა-  
 რე თამაში გაიმართა, ხან ერთ კუთხეში და ხან მეო-

რეში, ღამე გაისმოდა რომელიმეს ყვირილი; გაიხე-  
 დედით და დაინახადით, რომ ამხანაგს დაუტყრია  
 ხელში სათამაშო ქალაღი და გატაცებით ურტყამს  
 ცხვირზე. დილისთვის საჩხუბრათ მოვემზადეთ, გენ-  
 დოდა მძინარაებისთვის დაგვემწარებინა ადგილების  
 წართმევა, მაგრამ როცა ადგენ, სიცილის და შეცო-  
 დების მეტი ველარაფერი მოგახერხეთ: საცოდავები  
 კოლოებს ისე დაეკბინათ, რომ ადამიანის სახე აღარ  
 ეტყობოდათ, რამსიგძე სახეც ქონდათ, იმ სიგანე გა-  
 ხლომოდათ.

რვა საათზე ბაქოში ჩამოვედით. გენდოდა ქა-  
 ლაქის დათვლიერება, მაგრამ დრო არ გექონდა,  
 ცხრა საათზე ჩვენი გემი „ადმირალ კორნილოვი“  
 ადგილიდან უნდა დაძრულიყო.

გემზე კაპიტანი დიდ პატივისცემით დაგვე-  
 ხედა: მესამე კლასის ბილეთები გექონდა, მაგრამ იმან  
 პირველი კლასის კაიუტ-კამბანა დაგვითმო. ჩვენ  
 სულ პირველი კლასის პალუბაზე ვიყავით. ჯერ შეე-  
 ნიერი დარი იყო, გემი ნახათ მიცურავდა ზღვა-  
 ში და ჩვენ აღტაცებას სახლვარი არ ჰქონდა; მაგ-  
 რამ თითქმის ყველას ძალე დამწარა ეს სიამოვნე-  
 ბა; ზღვაზე ნელ-ნელა ლეღვა დაიწყო პატარ-პატარა  
 ზვირთები გამოჩნდა და ჩვენი გემი ზედ აღიოდ-ჩა-  
 მოდიოდა. ჯერ ერთ ჰოსწავლეს აერია გული, მერე  
 მეორეს, მესამეს—და მე რე სათათც გაიხედავდი, გა-  
 დაუღებულ და საქმეში გართულ მოსწავლეს დაინა-  
 ხივდი. მასწავლებელმაც ვეღარ მოითმინა და მათ  
 მიჰბაძა, მართო მე და ერთი მერე კლასის მოწაფე  
 ვადარჩით და გავაციცებით ვეხმარებოდით ხან ერთს  
 და ხან მეორეს. ბოლოს კაპიტანმა შეგვიცოდა და  
 ნება მოგვცა, ავთამყოფები მის პატარა პალუბაზე წა-  
 გვეყვანა. ჩვენც წავათრით ყველა ჩვენი ამხანაგები;  
 იქ ცოტა დამშვიდდენ, მაგრამ კაპიტანს ვერაფრით  
 გადაუხადეს პატივისცემა; უკითხავათ შევიდა სამი  
 მოსწავლე მის ოთახში და მთელი ღამე იქ დარჩენ;  
 უბედური კაპიტანი რამდენჯერაც მივიდოდა ოთახ-  
 ში შესასვლელათ, შიგნიდან ხმას გაავრინებდა და უკან  
 ბრუნდებოდა; დილას როგორც იქნა, დაცალეს, მაგ-  
 რამ ისეთ მდგომარეობაში დატოვეს, რომ სამმა მატ-  
 როსმა ძლიეს მოაქრისტიანა.

მთელი ღამე პალუბაზე გვეძინა, გავეხიეთ ჩვენ  
 საბნებში და გავიშხვართთ იატაკზე. დილას ოთხ  
 საათზე ავდექით, გენდოდა მზის ამსვლისთვის გემ-  
 ყურებინა, მაგრამ ცა ღრუბლებით იყო მოფენილი და  
 მზე თორმეტ საათამდის არ გამოჩენილა. ორ საათზე  
 მიუხალოვდით პეტროვსკს; ჩვენმა ავთამყოფებმა  
 თავისულათ ამოისუნთქეს და ღმერთს მადლობას  
 უხდიდენ, რომ ეს „საძაკელი“ ზღვა გათავდა. მე და  
 ჩემი ამხანაგი კი გულ-დაწყვეტილი ვუყურებდით პეტ-

როესს. რამდენათ ჯობს გემით სიარული მატარებელში ყოფნას. სამ საათზე კაცკაეში მიედღივართ, იქიდან ეარონეჟში და მერე მოსკოვს.

ელიკო.

მუშაობს და ლეწვის დროს ისე, როგორც ზემოთ აღწერილი არს. მთის ადგილებში რეას კოდს პურს, მანეთს საშობაოთ, მანეთს სააღდგომოთ. მუშაობა, როგორც ზემო აღწერილი არს თუ მარტო-ხელი კაცი არ არის.

საისტორიო მასალა № 2.

აღწერა

საწერეთლოს მხენელ-მთესველთ გლეხკაცთ გარდასახადის წლეულათ, მაგალითებრ, შორაპნის მახრამი.

უდიდესი ანუ ჰიჭკე-ლი გადამსდელი და მუშა გლეხნი.



ც-და-ათი კოკა ლეინო, კოკა ესე შეადგენს რეას დოქს, რომელიც თითო დოქში გამოვა ორ მანერკა ნახევარი ლეინო; ათი კოდი პური, რომელ თითო კოდი არის ოთხ-ოთხი ბათმანი; ხორცის ფასათ ორს მანეთს საშობაოთ, ორს მანეთს სააღდგომოთ მთელს წელიწადში რეას ქათამს, ქორწილის დროს ერთ ძროხას, და რომელიმე გარნა არა ყოველნი შობას დღეს ცხრას პურს და ერთს ქათამს. ბატონი მივა, თუ ბატონის აზნაურ-შვილი, ან მოხელე ღამის გათევა და ჭმევა; სამ დღეში უღლის ხარით ყოველ კვირაში მუშაობა, გარნა ლეწვის დროს ცალი ხარი და ერთი კაცი ლეწვის გათევაბამდე იქნება, მაშინ სხვას აღარას მუშაობს. მთის ადგილებში მოსახლენი არ აძლევენ ლეინოს, პურს მისცემს თხუთმეტს კოდს, რომელ კოდში გამოვა ოთხი ბათმანი, ხორცის ფასს, როგორც ზემოთ აღწერილი არს. ხარით არ ხენენ არც ლეწვენ. სხებრ კვირაში სამს დღეს იმუშაებენ და სხვა ყოველი ზემორებრ.

შემდეგში ანუ მუშა გადამსდელი გლეხი-კაცი.

ოც კოკა ლეინოს იმავე კოკით, ექვს კოდს პურს იმავე კოდით, მანეთს საშობაოთ, ოთხ აბაზს სააღდგომოთ, ხუთ ქათამს წელიწადში, ქორწილის დროს მესამედის ძროხის ფასს,—კვირაში ხარით და კაცით


კიდე შემდეგი ანუ მუშა-სამე გადამსდელი გლეხი-კაცი.

ათს კოკა ლეინოს იმავე კოკით, ოთხს კოდს პურს იმავე კოდით, სამს აბაზს საშობაოთ, სამს აბაზს სააღდგომოთ, ქორწილის დროს მეექვსე ნაწილს ძროხის ფასს. მუშაობს ხარით თუ კაცით ზემო აღწერისამებრ, თუ მარტო-ხელი არ არის. მთის ადგილებში: პურს ხუთს კოდს, სამ-სამ ბათმანს, ორორ აბაზს საშობოთ და სააღდგომოთ; მუშაობს როგორც სხვათა აღწერილი არის ზემოთ.

მეოთხე ახატათ წოდებულნი.

გარდასახადს არას აძლევენ, ბატონი ანუ ბატონის კაცი თუ ეწვევა აჭმევენ, არ მუშაობს; ქორწილის დროს ძროხას გარდინდის შემძლე მთელს, შუა ნახევარს, მესამე მესამედს: ასევე მთის აზნატი გლეხი კაცი და მსახურს აძლევენ მიუცილებლათ. ყოველნივე ზემო აღწერილი გლეხნი მოვალე არიან ყმისა და მამულის ყიდვის დროს მებატონეთა თეთრით შეწვევის, ასევე ვალში შთავარდნის დროსა, და ეგრეთვე თუ ჰყავთ ცხენის, თხოვებისა ლაშქრობის დროს ანუ სხვა დიდ საქიროების დროსაცა.

პოლკოვნიკი კნიაზ გრიგოლ წერეთელი  
კნიაზ წერეთელი ბერი  
კაპიტანი თავ. ნესტორ წერეთელი  
კნიაზი ნიკოლოზ წერეთელი  
პოლკოვნიკი კნენინა ქეთევან წერეთლისა  
ლენერალმა კნენინა სალომე აფხაზისა  
კნენინა ელისაბედ წერეთლისა  
კნიაზი ქველი წერეთელი.



### მუხის ფოთოლი და ჭანდარი.

(ლექსონტოვიან)



მუხის ფოთოლი მოცილდა თავის მშობელ შტოს იყო განდევნილ ქარისგან იგი მინდვრათ შორს. განსა და დაქცნა სიცივითა და მწუხარებით, ბოლოს შავ ზღვამდის მიახწია ძლივს გაჭირვებით. შავი ზღვის პირას ქორევა ჭანდარი იმას დახედება, მის მწვანე ფოთლებს ქარი ნელა ეალერსება, სამოთხის ჩიტნი შეამკობენ ლამაზ ჭანდარსა გალობით ქებას შეასწამენ ზღვის ქალ-მეფასა... აქ ჩვენმა მგზავრმა დარსევნა ჭანდარის ძირში, თხოვა, მიეცა მისთვის ბინა, ნუგეში ჭირში. — მე ვარ საწყალი, მუხის ფოთოლი, ასე ამბობდა უდროით გაზდილი, დამწიფებული ლაპარაკობდა: უსაფუძვლოთა დაეხეტიალობ ბედკრული ველათ, გავხმი უჩრდილოთ, უძილოთ დაექცნი და მოუსვენრათ.

მომეცი ნება, დამაყენე შენ ფოთლებთანა, ზღაპარი კარგი ვერეინ გითხრას შენ ჩემისთანა. „მე რათ მინდინარ? უპასუხა იმან ამყათ: ჩემ ნორსა ფოთლებს არ არგინარ შენ ამხანაგო ბევრი გინახავს, მაგრამა რად მინდა შენი ამბავი? სამოთხის ჩიტთაც მომამძღლეს მე აქა თავი. მგზავრო, მომშორდი, წადი იქით, მე შენ ვერ გიცნობ! მე მზეს უყვარვარ, ეხარობ მასთვის, მხოლოთ მას ვიცნობ! მე აქ ჰაერში გამიშლია ჩემი შტოები და ზღვის ტალღებით მორწყული მაქვს მე ფესვები.

კოწია.



### გურთული ახალგაზდების ამერიკაში მოგზავრობა.



უკაია ჩხარტიშვილი არის ერთი უბრალო გურთული გლეხიკაცის შვილი, თანვე უსწავლეული, მცხოვრებია სოფ. ჯუშათის (ოზურგეთის მაზრის), რომელიც შემთხვევით 1891 წელს შეხვდა ერთ ინგლისელს დაბა ლანჩხუთში ჩამოსულს; თურმე ის ინგლისელი ჩამოსულიყო იმ მიზნით, რომ უნდა წაეყვანა ათი კავკასიელი ყმაწვილები, როგორც

კარგი მოსიმღერე და ცენოსნები ბ. ბაფლობილისა და სალისბიურის კომპანიის თეატრში.


იმ ინგლისელმა მიმართა ლუკაია ჩხარტიშვილს, როგორც ნაქებ ცენოსანს და განთქმულ მოსიმღერეს გურიაში და უთხრა მას: „შენ მაგროვე ცხრა კაცი და მეათე შენვე იქნებო და წამყევი ამერიკას ქ. ნიუიორკშიო, თვეში თათოუელს თქვენგანს ასი მანეთი და ხარჯი ჩემი გექნებათო; როგორც აქედან გზაში, აგრეთვე იქაც ამერიკაშიო“.

ლუკაია ცოტა კი შეკრთა, შეეზარა მას მისი საშობლოს მოშორება... იმ სიშორეზე როგორც არიან მოშორებულნი ერთმანეთზე ლანჩხუთი და ამერიკა. მაგრამ მან თავი არ დაზოგა იმ შემთხვევაში და ზემოხსენებულ ინგლისელს პირობით შეეკრა, რომ მას უნდა ეელო ამერიკაში ყოველ წელს ე. ი. 1891 წელიდან 1900 წლამდის. ამ სახით ყოველ წელს დაჰყავს მას ცხრა-ცხრა ყმაწვილები და იმ 1891 წლიდან ასრულებს დღესაც იმ ინგლისელთან მტკიცეთ თავის პირობას.

ლუკაია ჩხარტიშვილი, მარჯვე, კარგი მოსიმღერეა, აგრეთვე, როგორც განთქმული ცენოსანი, ითვლება იმ კაცების წინამძღოლათ, რომელნიც მას დაჰყავს ყოველ წელს. აგრეთვე მას დიდი ყურადღება აქვს დამსახურებული თავის უფროსებისა ნიუიორკში. როგორც ლუკაიას, ისე მის ხელქვეით ამხანაგებსაც დიდი მოწონება და პატივისცემა აქვთ კომპანიისაგან. ბევრ საწყალ გურთულ გლეხს გამოაქვეტინა თვალები ლუკაიას ამერიკაში მოგზავრობამ. ზოგმა, ლუკაიას მიერ იქ წაყვანილმა კაცებმა, რომელთაც შინ ლუკმა პური და არც სახლ-კარი მოეძეოდათ, მისი შემწვობით და გზის გასწავლებით სახლ-კარიც აიშენეს, ლუკმა-პურიც იშოვნეს და მუდამ შიმშილისაგან მტირალ ბავშვებს ცრემლი შეუშერეს თვალებზე.

ამაირათ დღესაც დადის ლუკაია ამერიკაში და ასრულებს მტკიცეთ და განუდრეკელათ იმ ინგლისელთან თავის პირობას. ლუკაია ლეზულობს ბ-ნი ქუთაისის სამხედრო გუბერნატორისაგან სამზღვარ გარეთ გასეღის ნება რთვას, ყოველ მარტის დამდეგს და მოჰყავს ამერიკაში ცხრა-ცხრა ყმაწვილი; ხოლო ბრუნდება ამერიკიდან კავკასიაში იმავე წელს ოქტომბრის გასულს.

იფ. ლ.



ენის წარმოდგომაზე.

(Über den Ursprung der Sprache.)

დრ. გ. ს. ზემანისა.

თარგმნილი გერმანულიდან.




ლამიანი დიდი ხანა ცდილობს გამოიკვლიოს, თუ საიდან და როგორ წარმოდგა ენა. ჰეროდოტე მოგვითხრობს, რომ ეგვიპტელები თელიდენ თავის თავს უძველეს ხალხათ და თავის ენასაც უძველეს ენათ. ამის თაობაზე წარმომდგარი იქნენულობის დასარღვევლათ, პსამეტრხმა ორი ახალ-დაბადებული ბავში მიაბარა ერთ მწყემს და უბრძანა: „თხის ცური აწოვე, ერთი სიტყვაც არ გააგონო და თვალ-ყური გეჭიროს იმაზე, თუ რას წარმოთქვამენ ისინი უწინარეს ყოვლისა“. ორ წელს შემდეგ უცებ ბავშვებს თავისი პაწაწა ხელები მწყემსისაკენ გაეშვირათ და წამოეძახნათ: „Bekos“. გამოკვლევას აღმოეჩინა, რომ „Bekos“ ფრიგიული სიტყვა ყოფილიყო, რომელიც პუტს ნიშნავდა, და ამ სახით იმ დასკვნამდის მისულან, რომ თითქოს ფრიგიული ენა ყოფილიყოს ადამიანთა უუძველესი ენა. ესევე ექსპერიმენტი (გამოცდილება) განიმეორეს იმპერატორმა ფრიდრიხ II-მ, იაკობ IV შოტლანდიელმა, დიდმა მაგალმა, მაგრამ თუ რა შედეგი ჰქონდათ იმათ ექსპერიმენტებს არაეინ იცას. ყველა ამგვარ გამოცდილებათა უხერხულობაზე არც კი ღიბს ლაპარაკი. ჩვენ რომ ახალ-შობილი ბავში რაიმე ჩვენ მიერ გამოგონებულ არა ბუნებრივ პირობებში ჩაეყენოთ, ამით ჩვენ იმას ვერ შევიტყობთ, თუ როგორ განვითარდებოდა ადამიანი იმ პირობებში, რომლებშიც მას ბუნება აყენებდა ხოლმე. ადამიანი საზოგადოებრივი ქმნილებაა, და იმას დაჭირდებოდა ენა, რათა თავის მზავსათვის გაეგებინებია თავის თავი. ბავში რომ მოაშორონ მშობლებსა და თავისიანებში ყოფნა-ტრიალისა, რომ გაზარდონ ხელოვნურათ, რომ არ გააკანონ მის მსმენელობას ბერა ადამიანის სიტყვისა, მაშინ იგი დამდაბლდება სულიერათ და ვერა შემთხვევაში ვერ მისცემს თავის უფნურ მტარვალებს ჯეროვან პასუხს რაიმე საყურადღებო საკნის შესახებ. ფილოსოფოსები, რომლებიც ცდილობდენ ამ პრობლემის ახსნას,

იყვენ სხვა-და-სხვა შეხედულობისანი. დემოკრიტი დემეარა იმაზე, რომ ერთი მხრით, ერთი და იგივე შემეცნება გამოიხატება სხვა-და-სხვა სიტყვებით, მაგალ., კაცი სიტყვებით: „Brotos“ ზე „Anthropos“, მეორე მხრით, — ერთი და იგივე სიტყვა სხვა და-სხვა შემეცნებებს აღნიშნავს, მაგალ., „Daktytos“ ნიშნავს თითს, ფინიკს ზე ლექსთა ზომას, და მან გააიყენა აქედან, რომ ენა შეთანხმების და შემთხვევის წყალობით უნდა გაჩენილიყოსო. მაგრამ ასეთა შეთანხმებით ხომ იკულისხმება თვით ენის არსებობა, შემთხვევა კი ვერაფერს ხსნის, პირიქით იგი თითონ თხოულობს რაიმე ახსნას. ჰერაკლიტი ფიქრობდა, რომ ენა გამოიწევა გარეგანმა ბუნებამ, სხვა-და-სხვა ზემოქმედებათა მეოხებით აღამიანზე. იმას მიიჩნია ბუნება „ერთუფოზათ“, ხოლო ადამიანი უბრალო ინსტრუმენტათ (იარაღათ). პლატონი კრატილოსში ამბობს: ენას აქვს მიზნათ გამოხატოს განსაზღვრული ბგერებით, ყოველივე რასაც ადამიანი გრძნობს გარეგან ბუნებაში, მაშასადამე, ყველა გრძნობის შთაბეჭდილებანი, და აგრეთვე ვოველივე, რაც ხდება მის შიგნით. ეს მოვლენა ისეთ დიდ, ადამიანის ძალ-ღონეზე აღმატებულ რამეთ მიიჩნია მას, რომ იგი აწერს ენას ღუთაებრივ დასაწყისს. ქრისტიანულ სწავლულთათვის დიდი ხნის განმავლობაში შეურყვევლათ ითვლებოდა ებრაული (ურთული) ენა უძველეს იდიომათ. ებრაულათ ელაპარაკებოდა ღმერთი აღამს, რაშიაც ეჭვი არ შექმნდა არც ერთ წმიდა მამათვანს; ამიტომ ენის მკვლევარნი ცდილობდენ რომ ბერძნული, თურქული და სხვა ენები ებრაული ენის ძირამდის მიეყენათ და აგრეთვე ეჩვენებათ, თუ ეს უკანასკნელი (ე. ი. ებრაული) როგორ განიყრა და გარდაიქცა სხვა და-სხვა ენებათ. აურაცხელი შრომა დაიხარჯა ტყულა უბრალოთ და ყოველ ამ ძალ-დატანებათა უნაყოფობამ ზოლოს, როგორც იყო, მიანაჟა მტკიცე გასარჯება ლეიბნიცის შემდეგ შეხედულებას:

ებრაული ენა დიდაც არ არის პირვანდელი წყარო ყველა დანარჩენ ენათა, სულ სხვა გზები უნდა გაიკაფოს, რათა მივაგნოთ ამ საგნის კვალსა. მაგრამ, რადგან ეს მისს დროს შესაძლო არ იყო, მან ვერ მოახერხა ამ ქეშმარიტი გზის აღმოჩენა. მართალია, იმან უჩვენა ენათა შედარებით შესწავლაზე, მაგრამ ეკონა, რომ ენის წარმოებისათვის საზოგადო

შემეცნებანი უპირველესი და უსაკიროესი უნდა ყოფილიყვნენ; სიტყვები: მცენარე, ცხოველი, ნიეთი, უფრო ადრე უნდა წარმომდგარიყვნენ, ვინემ რომელიმე ცალკე მცენარის, ცხოველის გინა ნიეთის სახელ-წოდება. წინააღმდეგ ამისა ადამ სმ-ტი ამტკიცებდა, რომ სახელდობრ კერძო განმარტებათაგან უნდა წარმომდგარიყვნენ ზოგადი შემეცნებანი: ერთმა კერძო ლეიმემ, რომელიმაც მიიღო ესა და ეს სახელი, ერთმა რომელიმე კერძო წყარომ, კერძო ბზამ (პალმამ) გადასცა შემდეგში თავის სახელი ყელა დანარჩენ ლეიმეებს, წყაროებს და ბზათა; დიდი კამათობა ჰქონდათ ატეხილი იმის შესახებ, ზნა წინ უძღოდა სახელ-არსებითსა, თუ უკან მოსდევდა იმას,—და ამ კამათობამ გარდაწყვეტილი მიმართულება მიიღო მხოლოდ წარსული საუკუნის ბოლოს.—ინგლისურ-აზიური საზოგადოების მიერ კალკუტაში სანსკრიტული ენის შესწავლამ დაანახვა ყველას, რომ ბერძნული, ლათინური, რომანული ენები ისე, როგორც გერმანული და სლავიანური ენები წარმომდგარნი არიან ერთისა და იმავე პირველენისაგან, რომ დასაწყისი ენისა მდგომარეობს ძირეულ სიტყვათა შექმნაში, და იმ კითხვის



ც  
ნ  
ნ  
ზ  
მ  
ა  
ს  
—  
ნ  
ბ  
ნ  
ს

გამორკვევისათვის, თუ როგორ გაჩნდა ენა, საჭიროა გამოვიკლიოთ ის, თუ როგორ წარმოდგენ (გაჩნდენ) ფესვები (ძირნი).  
 მეოჯე არსებითი წინადადება დადგენილ იქმნა ლოკის მიერ: განუყოფელობა ენისა და გონებისა. ცხოველებთან საერთო ჩვენ გვაქვს მოქმედება გრძნობისა და ჰკუისა; ხოლო, რაიცა გვარჩევს ჩვენ იმათ-

გან,—ეს გონებაა, ე. ი, ის ნიჭი, რომელიც გრძნობა-ჰკუის მოქმედების ნაწარმოებთა გარდაქმნის განყენებულ (აბსტრაქტულ) შემეცნებათ და აგრეთვე ის ნიჭი, რომელიც მუშაობს ამ შემეცნებაზე, ე. ი. აზროვნება. შემეცნებას ეკუთნის მისი განსაზღვრული სიტყვაც, ვინაიდან ჩვენ მხოლოდ სიტყვის მეოხებით შეგვიძლია კვშმარტათ აზროვნება. მაგრამ ასე-


თი შეხედულებით ჩვენ ვარდებით გამოუსვლელ წრეში. არავითარი ენა შესაძლებელი არ არის უგონებოთ, და არავითარი გონება უენოთ, მაშ, როგორ უნდა გამოვიდეთ ამ წინააღმდეგობიდან? ჰერდერი ცდილობდა გამოუსულიყო იქედან მიზაძვის თეორიით, იმისი აზრით, ადამიანმა აღმოაჩინა ბუნების საგნებში განსაზღვრული, მარტო იმათი კუთვნილი (საკუთარი) ბგერები და მიზაძა იმათ, შავალ, იმან დარქვა ცხვარს „Blökend s“ (რომელიც ბლავს, ბლავანა) და სხვ. მაგრამ გინდ ისიც არ ვახსენოთ, რომ მომეტებული ნაწილი ბუნების საგნებისა ჩვენ ცნობიერებაზედ მიახწევენ ხოლმე არა მსმენელობის მეოხებით, არამედ მხედველობისა. შედარებითმა ენათ — მეცნიერებამ შეუწყველათ დაამტკიცა, რომ ეს ჰიპოთეზა შემცდარია, რომ Dünner (ქუხილი გერმან.) არას შემთხვევაში ონომატოპოეტურათ არ არის წარმოდგარი, არამედ სანსკრიტულ ძირიდან, „tan“ (გაქიმივა, გადაქიმივა), რომელიც აგრეთვე ძირია სიტყვისა dünn (წვრილი), და არ წარმოადგენს არავითარ კვალს ბგერის (ხმის) მიზაძვისას. შემდეგში თითონ ჰერდერმა უარ ჰყო თავისი თეორია და მიიღო, როგორც პლატონმა, ენის ლეთაბრივი წარმოდგომა, თუმცა ადრე თვითონვე აღიარებდა, რომ ასეთი წარმოდგომა წინასწარ-გულისხმობს (предполагает), რომ გონება ზე ენა მზა-მზარეულათ უნდა ყოფილიყვენ მოცემული და, მაშასადამე, გამოდის petitio principii, და არა რაიმე ახსნა. როგორც ბგერათა მიზაძვის თეორიაა, ისეთივე გამოუსაღებარი მოჩანს ის თეორიაც, რომელიც ამბობს, რომ ენა შორისდებულიდან წარმოდგა. ბგერანი გამოწვეულნი ტკივილის, მხიარულების, შიშის და განცდიერების მიერ გადაიქცენ სიტყვებთ, და მაშასადამე, ენათ. მაგრამ, ცხადია, ასეთი ბგერანი (ხმები) ენა არ არის; პირიქით ენა საკუთრივ იწყება მაშინ, როცა ეს ბგერანი აზრის გამოხატვის მათხოვნილებას ევლარ აკმაყოფილებენ. მაქს მიულერი უწოდებს ამ თეორიას Bau-wau ბაუ-ვაუს თეორიას. მაქს მიულერი ამბობს: „ის, რაც წინ მიუძღვის ფესვთა წარმოდგომას, არის ბუნების ნაწარმოები, ხოლო რაიცა იმას მისდევს, შეადგენს ადამიანის მოქმედებას, არა ინდივიდუალურს და თავისუფალს, არამედ მის კოლექტიური და განმარსებელი ნიჭის მოქმედებას. თავის პირვანდელ მდგომარეობაში ადამიანს ჰქონდა ნიჭი (ძალა), რათა მისი გონებრივი კონცეპციები (წარმოდგენანი) გამოეხატა სხვა-და-სხვა გვარი ხმებით. ეს ნიჭი იმას თითონ კი არ შეუქნია. პირველათ ის ინსტინქტი იყო, ინსტინქტი სულისა, ისეთივე, როგორც სხვა დანარჩენი ინსტინქტები. ადამიანმა დაკარგა თავისი ინსტინქტები მაშინ, როცა

ისინი უკვე აღარ ესაჭიროებდნენ. ამ ნიართევა გაქპრის შემომქმედი ძალა, რომელიც ყოველ შთაბეჭდილებას გამოხატედა ბგერებით (ხმებით), — გაქპრა მაშინათვე, როცა იმან თავისი მიზანი შეასრულა“. ეს სწორეთ მართალია, მაგრამ ენის გაჩენის ახსნა როდია. „პირველ ყოფილ ადამიანს ჰქონდა ნიჭი, რათა თავისი გონებრივი წარმოდგენანი სხვა-და-სხვა ხმებით გამოეხატა“, — ეს შემდეგს ნიშნავს: კაცს, როგორც ადამიანს, ჰქონდა გონება და ენა, გონება და ენა ეკუთვნიან ადამიანის არსებას.

თავის მხრათ ლაზარე გეიგერმა ასე დააყენა კითხვა: „როგორ შეიძლებაოდა, რომ გონიერი და პირვეტყველი არსება ჰიწუტევისაგან წარმოდგარიყო? — ამ კითხვაზე მანვე უპასუხა: დიდაც არ შეიძლებაოდა; უენოსა და უგონოს არასოდეს არ შეეძლო შეექმნა ენა და გონება. ორივე ეკუთნის ერთსა და იმავე მცენარეს, ორივე, მაშასადამე, გულისხმობენ საერთო მარცვალს, რომელიც უნდა შეიცავდეს ორავის საუფუძელს. ამ პირველი მარცვლის (ჩასახულის) აღმოჩენა, მისი თვისების გამოკვლევა კი ჩვენ გონებას აღვმატება. ამიტომ ყველა განმარტებანი, რომლებსაც ენა გამოჰყავთ უენო მდგომარეობიდან უნდა უარ-ყოფილ იქმნას, რადგანაც ამ შემთხვევაში ყოველთინ იგულისხმება ნიჭიერება; მაგრამ ეს ევრაუერს ევრ ხსნის. ევრც თვით გეიგერი აცდა ამნარ ბედს. რომ ენის დასაწყისი უნდა ევდიოთ იმ გარემოებაში, რომ ადამიანი, როცა სხვა-და-სხვა ხმებს გამოთქვამს, ის ათასნარათ გრებს და ამოძრავებს პირს; ეს ბადაეს მიზაძვას იგორე არსებაში, და, აი, აქედან ჩნდება ენა; მაგრამ ეს თხოულობს იმნარ არსებას, რომელშიაც ნიჭი გონებასა და ენი-სადმი უკვე არის. ამ რამდენიმე წლის წინ ლუდვიგ Noirè-ემ ერთხელ კიდე მოჰკიდა ხელი ამ საგანს და მართლაც მეტათ საინტერესო, ამ კითხვის ისტორიულათ გამოკვლევის მხრივ, წიგნი შეადგინა, რომელშიაც მას გულ-უბრკელი კმაყოფილებით მოაქვს თავი ისეთ პირათ, რომელმაც ბოლოს, როგორც იყო, იპონა საუწჯე. მოქმედებისადმი თანაგრძობისაგან, საერთო შეგნებულ რჩევა-ძიებისაგან უნდა წარმოდგარიყო ენაო. მაგრამ ეს სიმპათური საქმიანობა, მოქმედება, თუ კი ის აღვმატება ჰიანტეველების და ფუტკრების მოქმედებას, საგულისხმებლათ ხდის გონებას და ენას. ამნარათ Noirè-ს თეორიაც უნაყოფო გამოდგა.

მ. გ. კაპაია.

(შემდეგ იქნება)



### ქალბატონო რედაქტორო!

ნება მიბოძეთ თქვენის პატივცემულ გაზეთის საშუალებით უგულთადესი მადლობა გამოვუცხადოთ იმ პატივცემულ პირთ, რომელთაც შემწეობა აღმოგვიჩინეს ხონში საქველ-მოქმედო მიზნით წარმოდგენის გამართვაში: ქ ნ ჩხეიძისას და დ. ივანიძისას უფასოთ მოწაწილეობის მიღებისათვის, ქ. ევ. მოსიძისას გამგეობისათვის და ბ. ივ. შარაძეს უფასოთ სახლის დათმობისათვის. შემოსავალი იყო 131 მან. და 96 კაპ. დაინახჯა 35 მან. 74 კაპ. დარჩა 96 მან. 24 კაპ., რამელიც უკვე მივიღეთ.

სტუდენტი გ. ბ. ქუთათელაძე და ბ. გ. მდივანი.

\* \*

ბასუხათი „ერთი იმავი დალაქთაბანს“. დიდი სამოგენებით ვასრულებ თქვენ სურვილს; მაგრამ არც ისე, როგორც თქვენ „კვალის“ 32 №-ში დაბეჭდილი წერილით თხოულობთ! თქვენი განზრახვა ერთობ სასინარულოც არის, რადკანაც თავის გამართლება მოგიწადინიათ გაზეთის საშუალებით. მაგრამ ამასთანავე გასაკვირველია ის ამბავი, რომ „კვალის“ რედაქტორს თხოვთ დალაქთან ერთათ თვით მეთვალყურის ეინაობის გამოცხადებას. გასაკვირველია-მეტქი ეამბობ იმიტომ, რომ თქვენ ყოველივე ეს დაწერილებით იცით ე. ი. იცით, ვინ არის მეთვალყურე, იცით ეს შეეხებოდა ის მისგან დაწერილი. შენიშვნა, იცით სად მოხდა ეს ამბავი, ე. ი. იცით დაწერილებით მთელი ეს შემთხვევა, მაგრამ არ ეიცო რათ მოგინდომებიათ ყოველ ამავების გაზეთით გამოქვეყნება.

მაშ თუ არ იცოდით ვინ იყო მეთვალყურე და ან თუ ვის შეეხებოდა მისი შენიშვნა „კვალის“ № 29, რისთვის დაუხედათ მას გზაზე და აცხადებულნი ხმით რათ დაემუქრეთ შემდეგი სიტყვებით: „ახლა სადღა წამიხეაღ ყმაწვილო, გჩივლებ და თუ იმითაც არა გამოვიდა-რა, შემდეგ ჩემი მკლავის ძალით ხომ მაინც გადაგიწყვეტო“. თუ არ იცნობდ თ მეთვალყურეს და ან ვის შეეხებოდა მისი შენიშვნა, რომელი ზეკარდმო შთაგონების ძალით ეუბნებოდით ყველა თქვენ ნაცნობს, რომ მეთვალყურეც ეიცო ვინ არის და აგრეთვე ისიც ეიცო, რომ ის შენიშვნა ჩემზეა დაწერილიო. რასაკვირველია ყველაფერი კარგათ იცოდით, რადგან მეთვალყურემ ავიწერათ მის თვალ წინ მომხდარი ამბავი. ყოველ შემთხვევაში, რათა თქვენი უპირველესი თხოვნა დავაკმაყოფილო მე ჩემ ეინაობას წერილის ბოლოს ვაც-

ხადებ. ჩემგან დასახელებული დალაქი თქვენ ბრძანდებით, ე. ი. „ერთი იმვე დალაქთაგანი“.

მე, მეთვალყურეობა იმიტომ ეიკისრე, რომ რასაც შეეხებები სამართლიანს თუ უსამართლოს, სასარგებლოს თუ მავნებელს, ყველაფერი გამოვაცხადო, თუ ვინდ იმ დროს იქ არც ნოტარიუსი მყავდეს დასამტყვევლათ და არც მოწმები მახლდეს.. თქვენ ამბობთ, მაგ., „რომ ამნარი ამბის გამომქლადენებით საერთოთ ჩირქი გვეცება ჩვენ ხელოსნებს და მუშტარი ზიზლით გეცქერისო, ამიტომ გთხოვთ აკეცილოთ ეს ცილის წამება და ეს ეილაც მეთვალყურეა მოგვაშორათო. „მაგრამ ბ. „დალაქთაგანი“ ძლიერ შემცდარა, თუ მართლა ჰგონია, რომ ყველა დალაქი იქცევა ისე, როგორც ის. აი ცილის წამება თუ გნებავთ, სწორეთ ეს არის. თითონ მე ბეგრ დალაქებს ეიცნობ, რომლებმაც კარგათ იციან თავიანთი მოვალეობა და კიდევაც სამართლიანათ იქცევიან ცხოვრებაში, ხოლო თქვენზე და თქვენისთანებზე ბ. „დალაქთაგანო“ იმის მეტს არას ეიტყვი, რაც წინეთ ეთქვი.

ახსენ ომბოკაქე (იგივე შეთვალყურე).

რედაქტორ-გამომცემელი ან. თ.-წეჭეთელის.

„კვალის“ ფოსტა.

დ. ო—მს. მღვ. ი —ნე ქ—ძეს. თქვენი წერილები ვერ დაიბეჭდება.

სოხუჰს. ი. ბ —ძეს. თქვენი წერილი ჩვენდა ღუმოკიდებელ მიზეზების გამო არ დაიბეჭდება.

## განცხადება

კბილის ექიმი.

## ვ. ი. ჭიჭინაძე

ნიკოლოზის ქუჩა, № 21, სახლი, ე. საგინთვისა, სადაც „ივერიის“ რედაქციაა.